

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 086400 26 St
Livno, 14.08.2026.. godine

Općinski sud u Livnu, stečajni sudija Zoran Bajić, u stečajnom postupku nad stečajnim dužnikom „STOLARIJA KASALO“ d.o.o. Livno sa sjedištem u Livnu, Suhača b.b., zastupana po direktoru Josipu Kasalu, nakon održanog ročišta radi utvrđivanja uslova za otvaranje stečajnog postupka, van ročišta, dana 14.08.2026. godine, donio je sljedeće:

RJEŠENJE

1. Otvara se stečajni postupak nad stečajnim dužnikom „STOLARIJA KASALO“ d.o.o. Livno sa sjedištem u Livnu, Suhača b.b., MBS: 68-01-0036-09, JIB:428103380007.
2. Za stečajnog upravnika imenuje se Željko Lončar iz Travnika, Fatmić bb.
3. Kao vrijeme otvaranja stečajnog postupka utvrđuje se dan 14.08.2026. godine u 14:00 sati.
4. Nalaže se stečajnom dužniku i trećim osobama da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.
5. Pozivaju se povjeritelji da u roku od 30 (trideset) dana od dana objavljivanja Rješenja o otvaranju stečajnog postupka u “Sl. novinama F BiH” prijave svoja potraživanja stečajnom sudu u skladu sa članom 174. Zakona o stečaju FBiH (Sl. novine FBiH broj 53/21 i 19/25) i da stečajnog upravnika obavijeste o tome koja prava osiguranja potražuju na predmetima imovine stečajnog i na kojim predmetima se potražuje pravo osiguranja, vrsta i razlog nastanka prava osiguranja kao i osigurano potraživanje.
6. Pozivaju se lica koja imaju obaveze prema stečajnom dužniku da ih bez odgađanja izvršavaju prema stečajnom dužniku.
7. Ročište povjerilaca na kojem će biti ispitane prijave potraživanja (ispitno ročište) zakazuje se za dan 12.10.2026. godine (Ponedjeljak) u 12,00 časova, u zgradi Općinskog suda u Livnu, ul. Trg Branitelja broj 2, ured broj 107.
8. Ročište na kojem će se na osnovu izvještaja stečajnog upravnika odlučivati o daljem toku postupka (izvještajno ročište) zakazuje se za isti dan, odmah nakon završetka ispitnog ročišta.
9. Nalaže se Registru poslovnih subjekata, Općinskog suda u Livnu da uz firmu ili naziv stečajnog dužnika upiše oznaku „u stečaju“, a u rubrici „osobe ovlaštene za zastupanje subjekta upisa“ umjesto imena i prezimena direktora upiše ime i prezime stečajnog upravnika.
10. Rješenje o otvaranju stečajnog postupka objavit će se na oglasnoj ploči ovog suda, web stranici suda-elektronskoj ploči suda, na Internet stranici FIA-e, a u “Sl. novinama F BiH” će se objaviti samo izreka rješenja.

Obrazloženje

Predlagatelj Josip Kasalo direktor i osnivač privrednog društva „STOLARIJA KASALO“ d.o.o. Livno sa sjedištem u Livnu, Suhača b.b., podneskom od dana

15.01.2026. godine, ovom sudu predložio je da se nad navedenim privrednim društvom otvori stečajni postupak.

U prijedlogu se navodi da privredno društvo nije u mogućnosti da izmiruje dospjela dugovanja, da je račun društva u blokadi već nekoliko godina, da je imovina manja od obaveza društva i da društvo neposluje.

Radi utvrđivanja da li postoji stečajni razlog i da li postoje uslovi za otvaranje stečajnog postupka, sud je pokrenuo stečajni postupak i za privremenog stečajnog upravnika, sa stalne liste stečajnih upravnika, imenovao je Željku Lončara iz Travnika, Fatmić bb.

Ročište radi utvrđivanja uslova radi otvaranja stečajnog postupka održano je dana 12.08.2026. godine, na kojem su pristupili zakonski zastupnik stečajnog dužnika i privremeni stečajni upravnik. Na ročištu zakonski zastupnik stečajnog dužnika je ostao kod prijedloga za otvaranje stečajnog postupka. Privremeni stečajni upravnik je ostao kod svog izvještaja od dana 09.07.2026 godine i dopune istog od dana 07.08. 2026. godine iz kojih akata proizilazi između ostalog da društvo već duži vremenski period ne posluje, da poslovanja u narednom periodu nije moguće nastaviti niti obnoviti, da nije u mogućnosti da izvršava obaveze, da društvo nema imovine, da je račun društva blokiran više od 60 dana neprekidno, da je u toku prethodnog postupka povjerilac stečajnog dužnika Kantonalni poreski ured u Livnu dostavio prijavu potraživanja na ime neuplaćenih poreza i doprinosa u iznosu od 83.002,93 KM, te je predložio sud da se otvori stečajni postupak obzirom da je stečajni dužnik u toku prethodnog postupka uplatio predujam za koji smatra da je dovoljan da se namire i troškovi potencijalnog stečajnog postupka, a putem kojeg bi se osiguralo da eventualni povjerioci mogu prijaviti svoja potraživanja.

Na osnovu izjave zakonskog zastupnika, izjave i izvještaja privremenog stečajnog upravnika, sud je ocjenio da je prijedlog dopušten i da su ispunjeni uslovi da se nad privrednim društvom otvori stečajni postupak, pa je u skladu sa odredbom člana 102. stav 6. Zakona o stečaju FBiH ("Sl. novine FBiH" br. 53/21 i 19/25), odlučio kao u izreci ovog rješenja.

Stečajni sudija
Zoran Bajić

Pouka o pravnom lijeku:

Protiv ovo rješenja stečajni dužnik može uložiti žalbu. Žalba se podnosi Kantonalnom sudu u Livnu u roku od osam (8) dana od dana dostavljanja ovog rješenja, putem ovog suda